

People
plus

AR
NOU PARTI, NOU LALIT
PLI DETERMINEN KI ZANMEN

LAKOUR I PARDONN WAVEL

**PREZIDAN, ATRAVER SON AVOKA, TI
ENFORM LAKOUR KI SON LENTANSYON
SE PA TIR NON WAVEL LO LALIS**

I'n ler pour Wavel ek son tim aret dir ki in ganny son kes devan Lakour akoz 3 ziz kont 2 in war li koupab pour komet en frod letan ki in ekri en let bann Tamil pour promet zot pozisyon dan gouvènmàn si i ganny elekte.
(kont..p2)

LAKOUR I PARDONN WAVEL

(kont..p1)

I'n ler pour Wavel ek son tim aret dir ki in ganny son kes devan Lakour akoz 3 ziz kont 2 in war li koupab pour komet en frod letan ki in ekir en let bann Tamil pour promet zot pozisyon dan gouvènmàn si i ganny elekte.

Me malgre Lakour in war li koupab, Lakour in decide pour servi son diskresyon pour eskiz Wavel, akoz Lakour in osi konsider sa ki avoka Basil Hoareau ti dir

avek Lakour ki Prezidan Michel ti'n fini fer kler depi komansman sa kes ki i pa son lentansyon tir non Wavel lo lalis voter.

Sa i montre ki Prezidan Michel i en dirizan avek en leker pardonnen, en dirizan konpasyon malgre ki zot kontinyelman sant 'pil lo li' dan zot rali.

Desizyon Lakour i osi montre Wavel ki sa ki i zet ek lipye i anmas ek labous. Sa menm zidisyer ki in denigre, in pardonn li.

ANTAO I DIR BASIL MERSI, BERNARD I DEZAPWENTE !

Ti evidan pour tou dimoun ki ti dan Lakour pe ekout kes Wavel, sirtou son bann dimoun, ki zot ti santi zot soulaze ki Lakour in pardonn Wavel. Antao son kolaborater dan LDS ti taye pour vin dir mersi Basil Hoareau. Me malerezman nou pa kapab dir menm zafer pour avoka Wavel, Bernard Georges.

Dimoun ki ti pe temwanyon zot reaksyon pe dir ki Bernard ti san-

ble dezapwente. Eski i ti anvi Wavel ganny pini pour komet sa gro frod dan eleksyon Desanm? Eski sanmenm sa i ti les Wavel anmenn kes ankour kont rezilta eleksyon Desanm malgre koman en avoka i ti konnen ki Wavel ki'n fer frod dan eleksyon e nonpa Prezidan ek Parti Lepep?

Me sa pa tou keston pour demande lo sa kes, eski limenm li

Wavel, i pa'n anvi Lakour war li koupab pour li tir lekor dan sa 'mess' ki LDS i ladan, sirtou ek sa bann skandal larzan? Akoz i ti'n fini prepar dimoun pour ranplas li? Apard lefe ki i ti admet ki in ekir sa let, ki in fer promes, nou byen krwar ki Wavel ti'n fini met li pare pour kit lasenn politik pour li al viv son lavi trankil. Me la Lakour in dir li, ou'n komanse, wa bezwen fini!

PAREY LABITID PARTI LEPEP POU BAT WAVEL DAN BWAT VOTE !

Nou dir nou siporter les Wavel ek son tim koz bon labous parey zot labitid akoz non Wavel- sa politisyen ki'n komet frod dan eleksyon Desanm, in reste lo lalis voter.

Wavel i konn byen ki nou abitye bat li lanver bon kote dan bwat vote depi ler in decide antre dan politik. 7 fwa in ganny zoli bate kase avek Parti Lepep e nou donn

li randevou pour defet li ankor en 8enm fwa le 10 Septanm.

Li ki annan labitid antre sorti ankor, Prezidan ek Parti Lepep i reste onnet e zis!

Produced, Published by the **PARTI LEPEP**.

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS**.